

韓大中丞奏議

韓大中丞奏議

受業 胡元博

編次

劉慶遠

次孫泰 華敬錄

卷之四

目錄

審擬泰州民彭德州京控疏

撫卹琉球難夷疏

驗收減黃河埝疏

挑辦奎河疏

飛蝗撲滅疏

請米船免稅毋庸給票鈐印疏

額請協撥賑濟銀兩疏

審擬桃源縣民人孔毓慶控疏

移駐稅口疏

修理倉廩考棚疏

江蘇各州廳縣衛被水旱疏

動撥賑濟銀兩附片

請將漲灘開禁歸營買陞疏

訪拏劣衿感衆斂錢疏

審明革監陳映台朦占沙地疏

挈獲洋盜疏

審擬泰州民彭德州京控疏

奏為遵

旨審明定擬恭摺奏請

聖鑒事竊照江蘇泰州民彭德州以父冤不伸具結  
請檢等詞赴京呈控經都察院奏奉

諭旨此案着交韓文綺親提人證卷宗秉公嚴審按  
律定擬具奏原告彭德州該部照例解往備質欽  
此並准兵部將原告遞解前來臣遵卽飭提人

卷至省逐一親加研鞫緣彭德州籍隸泰州伊  
父彭恒義在日憑章百萬石遐廣作中佃種李  
進柏田十三畝並租住草屋一間道光元年四  
月初一日晚間彭恒義因失雞一隻疑走入李  
進柏家藏匿在門首混罵李進柏爭論被彭恒  
義推跌擦傷額顱李進柏之子李廣生幫護彭  
恒義拳毆其左眼胞又用木棒毆傷其左肩甲  
李廣生奪棒回毆彭恒義左肩甲經趙文忠勸

散初二日早李廣生因伊父李進柏年老被推  
跌傷卧床不起欲行控究並囑韋百萬石遐廣  
令彭恒義退佃出屋彭恒義恐到官治罪又慮  
退佃出屋後難以度活愁急莫釋卽於是日下  
午從戶樞旁牆洞伸手出外將門反鎖在屋內  
自縊身死經韋百萬等從門縫窺見掇門入內  
解救無及時彭德州同妻韋氏駕舡在外捕魚  
屍弟彭恒年又不在家經鄉保周正和等報明

泰州知州趙鉞驗訊通詳嗣彭恒年回歸聞伊  
兄彭恒義曾與李廣生爭毆心疑毆斃央母舅  
黃爾恭轉倩孫惟鑾代作呈詞赴揚州府並臬  
司衙門具控委經江都縣知縣陳文述會同該  
州趙鉞訊明彭恒義實以失雞叫罵與李進柏  
等口角爭毆慮恐控官退佃情急自縊將李廣  
生彭恒年分別問擬枷杖詳結有案三年正月  
間彭德州與孫惟鑾會遇述及伊父命案業已

審結孫惟鑾稔知李廣生同族李祥李怛等家  
道豐裕起意藉案訛詐當令彭德州向李祥借  
用錢文並稱如不應允卽以京控拖累嚇制彭  
德州聽從徃懇李祥母舅黃春年轉借黃春年  
不允彭德州向孫惟鑾回覆孫惟鑾遂捏彭恒  
義被李祥等逼討租錢喝令李怛等毆斃串同  
黃春年等假裝自縊賄囑鄉保周正和仵作梁  
魁匿傷謄報並書差私押逼結各情寫就呈詞

備帶盤費領同彭德州進京在都察院衙門呈  
告奏奉

諭旨交臣審辦飭提人卷來省據彭德州供出孫惟  
鑾藉端圖詐作詞唆訟各情飭拏孫惟鑾潛逃  
無獲臣就現到人證逐加質訊供悉前情嚴詰  
實無喝毆致斃裝縊匿傷情弊臣以彭桓義縊  
在屋內何以門鎖在外恐有別情復向見證韋  
百萬究問據供草屋一間門旁土牆有洞一個

緊靠戶樞側邊可以伸手出外想那日彭恒義  
起意自縊恐被人經見伸手出外將門反鎖並  
無別故究詰不移案無遁飾查孫惟鑾圖詐唆  
訟衆供確鑿現在弋獲無期自應先行擬結查  
例載驀越赴京告重事不實並全誣十人以上  
者發邊遠充軍又教唆詞訟如原告並未起意  
誣告係教唆之人起意主令者以主唆之人為  
首聽從控告之人為從各等語此案彭德州之

父彭桓義因失雞叫罵將李進柏李廣生推毆致傷旋聞李廣生欲控退侮情急自縊業經訊明詳結乃孫惟鑾藉案圖詐輒捏寫李祥等毆斃裝縊賄囑匿傷等詞羅織多人領同彭德州誣控實屬起意唆訟將來擎獲到日首應照主唆誣控為首例擬軍彭德州赴京誣控係孫惟鑾主唆應照為從科斷彭德州合依舊越赴京告重事不實並全誣十人以上者發邊遠充軍

為從減一等例杖一百徒三年到配折責充徒  
黃爾恭既知彭恒義死由自縊乃於伊甥彭恒  
年控府控司時並不阻止轉代懇孫惟鑾作詞  
實屬不合應照不應重律杖八十折責發落李  
廣生逼迫彭恒義致令自縊業已照威逼人致  
死律擬杖發落追給埋銀例免重科李祥訊未  
喝令李恒等均未向毆黃春年亦無串通裝縊  
情事應與訊非朦報匿傷逼結私押之鄉保周

正和趙鼎忤作梁魁書役黃泰等及並未阻驗  
之韋百萬均毋庸議餘屬無干概予省釋未到  
人證並免提質彭恒義實係自縊毋庸開檢屍  
棺飭屬領埋主唆之孫惟鑿罪應擬軍該犯查  
係從九品職銜應先斥革嚴拏務獲劣行究結  
除供冊送部外臣謹恭摺具

奏伏乞

皇上聖鑒訓示奉

硃批刑部議奏

撫卹琉球難夷疏

奏為琉球國遭風難夷漂至江境照例優加撫卹  
護送赴閩回國恭摺奏

聞事據崇明縣知縣明通稟稱道光三年七月十一  
日有遭風漂來琉球國脚舡二隻乘坐難夷五  
十人在白陽沙登岸經該縣會營前往沙灘確  
勘將該難夷護送至城妥為安頓給與口糧等  
情具稟前來臣卽飭司行令從優撫卹查照向

例委員護送來省譯訊去後茲據委員伴送行  
抵蘇州臣督率在省同各官公查詢內有  
畧通漢字文理之人給與紙筆令其書寫據金  
廣緒寫開係琉球國四品官奉差巡哨周厯三  
十六島帶八品官金克緒翁克榮等八員船頭  
鄭照喜一名佐事小那等六名兵丁新里等四  
名上水手官成等六名水手營里等二十四名  
一并五十人乘坐大船一隻帶有脚舡兩隻六

月二十五日出洋遇風飄流至七月初八日又遇狂風將大舡打損衣物流失幸有脚舡得保五十人性命十一日漂至崇明海灘遇人護帶登岸等情臣查琉球於東洋諸國中臣服

天朝竝為恭順今難夷等在洋遭風漂越來江隨帶衣物盡行沉失自應仰體

聖主不冒宏仁格外優卹以示懷柔當飭將脚舡二隻優給價值紋銀一百兩又添給棉衣棉被等

物並發給口糧俾其無虞凍餒該難夷等喜出  
望外感激歡欣之狀溢於詞色一面派委妥員  
伴送起程前赴浙江由陸路赴閩附搭便船回  
國除飛咨浙閩督臣飭知地方官逐站接護照  
料務臻周妥俾得遄行外所有撫卹難夷護送  
赴閩回國緣由謹會同協辦大學士兩江總督  
臣孫玉庭恭摺具

奏伏乞

皇上聖鑒奉

硃批所辦是知道了

驗收減黃河埝疏

奏為徐鳳兩屬疏修減黃河埝先後工竣驗收如  
式緣由恭摺仰祈

聖鑒事竊照徐州府屬銅蕭二縣境內天然閘十八  
里屯睢寧縣境內峯山閘及峯泰滾閘各引河  
皆為減黃入湖要道兩岸築有民埝攔禦黃流  
保衛田廬兼資利導又界連安徽鳳陽府屬宿  
州西埝以及北股河睢河靈璧境內之北股河

均為減黃下注之區上年黃水異漲減洩後均有殘缺淤墊經臣等委員勘估於本年正月又

二月內先後

奏准疏修在案查徐屬銅山蕭縣睢寧各工估銀八千一百餘兩至二萬一千九百八十兩及五萬四千七百餘兩不等又界連安省鳳屬宿州西埝幫寬估銀一千六百六十四兩零以及北股河睢河疏淤培埝及創築新堤估銀十萬六

千二百八十餘兩零靈璧縣挑空北股河估銀  
三萬九千三百一十兩零各該工費為數少者  
卽歸民田攤徵為數多者照例一半攤徵一半  
作正開銷臣等分飭各藩司籌發銀兩責成該  
管道府派員協同各地方官趁時集夫妥速儕  
辦勒限汎前一律完竣另委大員驗收如挑築  
完固量予記功獎勵倘有偷減卽當叅賠再三  
申誡務期激發天良實用實銷俾河深埝固以

資利導而免漫溢嗣據銅蕭睢三縣陸續稟報  
於二月二十六日及三月三十一並二十三等  
日開工三月二十六及五月初十暨二十五等  
日先後一律完竣又據宿州靈璧縣稟報於二  
月十一及十六等日開工四月初三暨五月初  
六等日先後一律完竣當經飭委該管巡道親  
詣驗收茲據署徐州道吳耆德廬鳳道戴聰各  
稟稱各詣各河逐一查量加倍創築各埝高寬

丈尺悉與原估數餘雖試俱屬堅實間有滲口  
因在前天氣亢旱地土乾燥所致得雨後加土  
套打俱已一律堅整新舊分河口底寬深亦皆  
與原估丈尺符合並無苟簡草率情弊並據廬  
鳳道聲稱試用未入流揚應甲一員人本明幹  
幫辦宿州埝工甚為出力等情請獎前來臣等  
覆查徐鳳所屬之銅山蕭縣睢寧宿州靈璧五  
州縣天然峯山等閘上下游應行挑築河道埝

坝等工攸關減洩黃流保衛田廬要工該州縣  
集夫修築均於大汎前後辦理完竣飭各該  
道親詣驗收如式伏汎期內啟放十八里屯天  
然峯山等關各據報減水亦注順軌暢達臣等  
飭令地方官會同專汎員弁協同居珉按段巡  
防務保無虞仍於秋後責成各該昂官駁報查  
勘如有應行疏修之處卽令汎官督率兵丁及  
該處業佃疏築現在減水循軌不得另請錢糧

估辦至此項該州縣承修各工均係分應承辦  
之事皆不敢邀敘惟安徽試用未入流楊應甲  
委令幫辦宿州河埝工段綿長晝夜在工兩月  
有餘實力實心不辭勞瘁可否仰懇

賞准遇缺儘先補用以示鼓勵之處出自

聖主恩施除飭取估計及攤徵年限各冊結另行具  
題外所有徐鳳兩屬挑築減黃河堤完竣驗收如  
式減黃暢注緣由理合恭摺具

奏伏乞

皇上聖鑒

挑辦奎河疏

再查上年挑辦銅山縣荆山橋河案內節省銀三萬二千四百五十九兩四分三釐前於驗收摺內

奏明畱辦該縣奎河工用計奎河原估銀二萬九千九百三兩五錢一釐嗣承辦工員候補縣丞倪輓等於土石工程內節省銀六千五百八十六兩五錢七分六釐實用銀二萬三千三百十

六兩九錢二分五釐又修辦戴家橋一座並遷  
移民房共用銀一百三十三兩三錢八分二釐  
又奎河內估建陞高橋梁十一座實用銀一千  
八百四兩八錢四釐又估挑文渠溝用銀三百  
九十五兩三錢四分通共動用荆山橋河節省  
銀三萬五千六百五十兩四錢五分一釐仍實  
餘銀六千八百八兩五錢九分二釐因據徐州  
道府稟報蕭縣原估疏修天然閘河埝工程雖

經照估如式修築惟查蕭境西埝疃里以下至  
縱家莊劉家莊一帶埝工多有迎澗兜灣之處  
既不能退讓取直又難另估挑河減黃下注時  
埝身勢必著重倘不預籌設法抵禦恐埝工不  
能穩固又滋勞費隨於迎澗兜灣之處酌添土  
石挑壩並包坡抽幫等工估需銀八千五百十  
八兩一錢六分二釐以禦減水查係應辦要工  
批飭於奎河等工餘剩項下儘數動支仍有不

敷銀一千七百九兩五錢七分卽於商捐徐屬天然峯山各閘防守經費內暫行借撥應用嗣據稟報工竣並委徐州道府驗收均係如式修築並無偷減草率所有銅山縣辦竣奎河橋溝等工動用銀兩遵照原奏歸入銅邑上年挑浚荆山橋河例外增佔銀五萬餘兩數均按照原奏年限分年攤徵還欵其蕭縣續辦挑掘包坡等工用過銀八千五百餘兩應由該縣按田分

年攤徵歸還所動奎河節省及商捐經費原欵  
分別完繳司府各庫報撥支濟除分索取造估  
計攤徵各冊結另行詳

題並奎河承挑出力工員查明咨部照例議敘外  
理合附片陳明伏乞

聖鑒奉

硃批知道了

飛蝗撲滅疏

奏為鄧州境內查無蝗孽吸各屬飛蝗均據報撲滅並未損傷禾稼各情形恭摺仰祈

聖鑒事竊據淮揚等屬先後稟報六月間有零星飛蝗過境停落隨時撲滅惟海州知州劉鈴稟報遲緩意存飾卸當經臣等恭摺叅

奏請

旨革職提究一面飛飭淮揚道梁章鉅親往督捕確

查並因東省咨會海州及邳州與山東鄰城接壤地方有蝗蝻萌生隨查飛蝗來自海州葦蕩已據本省安東縣稟報至邳州是否有蝗未據申報聲明飭府親往查勘如有諱匿另嚴叅嗣據該州李衢查報境內並無蝗蝻但未可憑信仍飭道府嚴查實覆至淮揚等屬前稟飛蝗過境之處雖據稱隨時撲捕然蝗蝻生翅飛騰竚為禾稼之害復飭藩司委員分往查察會同

地方官上緊撲打搜滅務期盡淨不畱餘孽茲  
據徐州府知府俞穎達覆稱馳抵邳州當同徐  
州道委員親赴邳境和尚莊鄰城界溝一帶細  
加查勘該處有南北大路一道為界路西和尚  
莊等處皆係邳州之地路東各村莊全係山東  
鄭城境地方詢據和尚莊附近鄉農僉稱邳州  
境內並無蝗蝻萌生倘有萌生蝻子滋長為害  
伊等事關切已豈不邀同地保稟報焉肯任傷

禾稼隱默不言察看該處早種秋穀業已收割  
晚禾得雨稍遲現在暢發一律整齊實無蝗蝻  
傷稼情事當傳訊鄭城縣官莊集頭邱會供稱  
自官莊集西湖起至牛兰家止皆係鄭城地方  
間有萌生蝗蝻隨邀集鄉民撲打兩日適鄭城  
縣差下鄉催糧見有蝗蝻並未知分界之處隨  
卽回縣稟報以致連及鄧境其實生自鄭城界  
並非邳州和尚莊跳入該處農民當時看見隨

卽空溝趙截撲打盡淨並未容其長翅亦未傷  
損禾稼復向界溝涯迤東鄰城鄉民細加詢問  
稱溝涯以東離和尚莊約有三四里路間有蝗  
蝻萌生均在鄰城界邳州李知州曾親往查看  
取有地保切結業已撲盡亦無異詞是邳州境  
內並未萌生蝗蝻兩境鄉農異口同聲其無匿  
報情事實屬可信又據淮揚等府暨各委員稟  
覆前此各屬稟報飛蝗經過當經隨地撲捕現

在並無續過惟江都縣境內史壠頭地方於七月二十二日復有飛蝗暫時停歇因值雨後蟲翅沾雨立時撲滅又東臺縣境七月初五六日忽有零星飛蝗空中騰邁卽經該府縣親往督捕搜捕淨盡毫無遺孽前此安東境約稍傷未苗卽時撲盡所損無幾並不咸災又據海屬贛榆縣稟稱靠東濱海之永河口鎮見蝗蟲間段停落當卽督夫圍捕幸為數無多立承撲滅並

無損傷禾稼各等情由藩司張志緒詳覆前來  
除飭淮海道確查海州境內蝗蝻是否業已搜  
捕盡淨有無損傷禾稼又如何匿飾確情另行  
具

奏外所有邳州查無蝗孽及各屬飛蝗均卽捕撲  
並無損傷禾稼情形謹先恭摺奏

聞伏乞

皇上聖鑒奉

珠批知道了

請米船免稅毋庸給票鈐印疏

奏為免稅米船酌請變通成例以順商情而裕民食奏祈

聖鑒事竊臣玉庭文綺前以江境被災照例請將米船免稅凡上游客販來至蘇州松江太倉等府州屬售賣者由關給票放行到境之日將票呈送地方官鈐印給還回空銷號等因奏奉

恩旨允准遵卽移咨臣延隆出示曉諭在案惟查旬

日以來商販請票免稅之米轉少於情愿報稅  
之米臣延隆恐在關丁役或以查驗給票為名  
有畱難需索之弊親赴美關嚴加督察並無別  
故臣等體訪商情緣定例過關給平免稅印票  
責令到境之日將票呈送地方官鈐印再行向  
空驗銷難免守候羈延是以情愿照常納稅不  
應免稅領票各商觀望實由於此伏懇援照成

劄奏准

恩免米稅原期商販爭趨糧價平減若仍聽商投稅  
不惟與

奏案不符且恐商人藉口輸稅一時未能平價殊  
非仰體

聖主惠愛災黎之至意臣等公同商酌擬將定例稍  
為變通凡係運往災邑糴賣米艙該關隨時驗  
詢明白免稅放行一面將商名米數由關行知  
地方官俟該米艙到境後立時申報以備查核

所有給票鈐印之處均毋庸議如此一轉移間  
既不致漫無稽查且可免輾轉羈候湖查乾隆  
三年江蘇旱歉米船免稅亦以給照鈐印難免  
守候經前織造臣海保奏奉

諭旨准免有案此次招商事同一律臣等未敢稍事  
拘泥現已將免稅米船毋庸給票鈐印綠油出  
示曉諭庶使商販雲集糧價自平臣等意見相  
同謹合詞恭摺具

奏伏乞

皇上聖鑒訓示

額請協撥賑濟銀兩疏

奏為蘇松等屬災賑需銀額懇

聖恩協撥事竊照本年蘇松等屬被災較重業經臣等先將上元等十七廳州縣乏食貧民奏請撫

卹一月口糧已奉

恩旨准行刊佈謄黃曉諭又江浦等縣續報被水應行撫卹臣等先後會摺奏請

恩施各在案一面飭行兩藩司委員會同各該地方

官確勘成災分數分別給賑蠲緩次第舉行茲  
據蘇州布政使王輅詳稱蘇松等屬先行撫卹  
一月口糧約需銀三十萬兩各屬災地較廣  
俟勘定成災分數卽須確查戶口分別給賑概  
以折色散放約需賑銀一百萬兩查蘇藩庫本  
年秋撥及上屆春撥歲撥存剩銀三十一萬餘  
兩堪以撥用又移查滸墅關庫堪撥銀十五萬  
兩蘇糧道本年春撥存庫堪撥銀四萬二千餘

兩江糧道本年秋撥存庫堪撥銀三萬九千餘  
兩三共銀二十三萬一千餘兩均撥儘數協撥  
其餘不敷銀兩詳請具奏請

旨 在 於 別 首 報 存 銀 款 指 撥 解 蘇 湊 放 等 情 前 來  
臣 等 查 蘇 藩 庫 本 年 秋 撥 及 上 屆 春 歲 兩 撥 存 剩  
銀 三 十 一 萬 餘 兩 又 游 設 關 蘇 糧 道 江 糧 道 各  
庫 共 可 撥 銀 二 十 三 萬 一 千 餘 兩 仰 懇

聖 恩 俯 准 分 別 動 撥 以 備 賑 需 其 不 敷 銀 兩 並 請

勅部查明別省報存銀內撥銀四十五萬八千兩迅  
速解蘇備用以普

皇仁而裕民食臣等飭催該司等督同道府趕緊查  
明各屬被災分數核實給散仍隨時嚴密稽查  
務使民沾實惠

帑不虛糜事竣核實造報始有餘剩畱為本省來  
年不敷兵餉雜支之用設帳餉再有不敷另行  
籌辦倘查出印委各員及書役人等稍有冒濫

侵蝕情獎立卽嚴參究辦並飭江藩司查明應  
需賑濟銀兩另行具

奏外所有蘇松等屬被水成災籲請協撥賑濟銀  
兩緣由理合恭摺具

奏伏乞

皇上聖鑒

審擬桃源縣民人孔毓慶京控疏

奏為遵

旨審明定擬恭摺仰祈

聖鑒事竊照桃源縣寄居民人孔毓慶赴京呈控史  
福新串謀誑娶伊女後令為妾凌逼自縊等情  
一案經都察院奏奉

諭旨此案着交韓文綺親提人證卷宗秉公審訊定  
擬具奏原告孔毓慶該部照例解往備質欽此旋

淮兵部將原告孔毓慶遞解前來遵卽飭提人  
卷至省臣親提逐一研訊緣孔毓慶原籍山東  
曲阜寄居桃源縣民人史福新係史賣馨之子  
因伊叔史克家病故無嗣經族議立史福新一  
子雙繼史賣馨先為史福新娶妻張氏生子夭  
亡史克家之妻喬氏復與聘妻鄒氏為次房之  
媳鄒氏素有心痛病症時發時愈嘉慶二十四  
年二月初九日史福新探親外出鄒氏因心痛

發叫苦難忍私自服澣身死史亶馨投同地塚  
報縣經鄒氏之父鄒汝苞查無別故具結稟縣  
免驗本年三月喬氏欲為史福新續娶央陳陞  
高袁蔚若為媒求聘孔毓慶之女孔氏為繼室  
並將史福新先經長房娶妻張氏情由實告嗣  
陳陞高等向孔毓慶說媒因恐不允止稱史福  
新前妻鄒氏病故欲求伊女為室並未將史福  
新先在長房娶有張氏實情轉述孔毓慶應允

史福新於道光元年十二月迎娶過門成婚逮  
孔氏向伊父孔毓慶將史福新有妻張氏現依  
長房緣由訴知業已彼此相安亦不置議二年  
閏三月初二日史福新之本生父史壘馨患病  
令孔氏煎藥孔氏失於照管將藥煎乾史福新  
向其斥責惟時史壘馨病已沉重是夜身故孔  
氏愧悔交加於初三日午間乘間在房投繩殞  
命經史福新督見解救無及報縣驗訊孔毓慶

因陳陞高等說媒時未將史福新先娶張氏之  
言道破且因伊女死於非命痛女情切卽以史  
福新串謀誑娶後令為妾凌逼自縊等情先赴  
淮安府呈控未准隨進京在都察院衙門控告  
奏奉

諭旨交臣審辦提集人證訊悉前情臣以所控鄒氏  
死由服湏孔氏又係縊斃恐實有壓良為賤凌  
逼致死別故嚴加究詰據史福新堅供鄉間俗

例一子雙祧兩房各娶正妻無分嫡庶孔氏成  
婚以後與張氏素相和睦實因伊父病重時孔  
氏將藥煎乾被斥愧悔乘隙自盡前妻鄒氏實  
因心痛病發輕生均無凌逼情事質之陳陞高  
等供無異詞查核各卷內屍親等俱經具有輸  
服甘結復訊孔毓慶亦自認圖准架詞不諱其  
非凌逼致死似無疑義查獨子雙祧前於嘉慶  
十八年經禮部議定通行各省凡獨子承祧兩

房只應娶嫡妻一人不得兩門均為娶妻有違定例等因此案史福新以薄身兼祧兩房既經本生父史亶馨為娶張氏則業已有嫡妻乃嗣母喬氏又娶孔氏作為次房之媳雖鄉愚婦女無知究屬違例史喬氏應依有妻更娶妻者杖九十律杖九十媒人陳陞高不將史福新先已有妻張氏向孔毓慶言明晰屬不合應照不應重律杖八十事在嘉慶二十五年八月二十七

白恭逢

大赦以前各犯杖罪均予援免史喬氏並免收贖其  
與陳陞高一向媒合之袁蔚若於提省後在寓  
病故驗明並無別情應毋庸議乳毓慶所控史  
福新以妻為妾凌逼致死因媒然陳陞高等先  
未據實告知且因痛妾情切尚非平空誣告今  
到案卽行供明被告史福新又孫總麻卑幼應  
予免議史福新訊無凌妻致死情事應與並未

捏稟之地保韓金聲周玉刑書徐文光均毋庸  
議無干省釋案已訊明未到人證並免提質以  
省拖累再獨子雙祧不得兩門均為娶妻恐鄉  
愚未諳例禁應再出示曉諭咸使週知除供招

送部外臣謹恭摺具

奏伏乞

皇上聖鑒訓示奉

硃批刑部議奏

移駐稅口疏

奏為河道今昔情形不同移駐稅口以杜越漏而  
裕額課奏請

聖鑒事竊照揚州府屬向設由閘關每年額徵正稅  
銀四萬餘兩盈餘銀二萬餘兩於經過之南北  
貨船按則徵收正關之外舊有中閘儀徵二處  
分口稽徵歸併由閘分別報解查儀徵分口舊  
駐攔潮閘地方凡船隻南來由沙漫洲進口北

來則自三汊河徑行緣該處河身淤淺每歲春夏水漲之時不過小販運載往來秋冬水涸無稅可徵上年揚郡士民請將該河興挑經臣孫玉庭會同鹽政臣曾燠奏

聞勘明舉辦復虞冬令水淺仍有淤墊並將新城鎮旁卧虎閘支河一律挑深直達老河頭出口工竣後鹽艘商載均無滯行惟是各路船隻尚由沙漫洲達內河者必經攔潮閘分口按則輸課

若從大江至瓜洲進口亦必赴由閘正關完課  
方能北上是舊制本無虞越漏今沙漫洲之下  
瓜洲口之上久已淤成平陸而卧虎閘支河業  
已開挖深通修建閘座河身陡窄寬深且較沙  
漫洲進口計程尤為近捷一切商船皆可由此  
取道直達三汊河既得繞過分口之攔潮閘亦  
無須再經由閘正關此河道今昔情形之不同  
於額課大有關係自宜移駐稅口以便稽徵據

管理關務之常鎮道王賡言詳請將原設儀徵  
攔潮閘分口移駐新城鎮總滙之區仍照由閘  
則例一律徵收等因臣等以事關移駐稅口必  
須稅額商情兩有便益方可經久無弊當卽批  
行藩司議詳去後今據江寧布政司張志緒會  
同該道王賡言詳稱查儀徵分口原為杜絕由  
閘關稅而設今卧虎閘支河新窪深通箇販貪  
圖便捷必冀漏稅若強令仍赴由閘報稅未免

往返守候如添設巡船派委員役稽查既增經費且恐日久弊生若竟任聽往來則攔潮閘分口虧稅尚小而由閘正關歲額短徵必鉅應請將原設儀徵攔潮閘分口移駐新城鎮總滙之區無論自沙漫洲及老河頭進口者皆由該鎮經過卽照由閘五餉則例一律徵收所有商船貨物本係應輸由閘之稅今繞出支河不復再經由閘正關並未增設稅口亦非額外加徵至

戶工二部親填冊檔向係由閘請領頒發稅口  
登填應仍照舊領辦書巡經費該口悉有舊章  
均可毋庸另議再儀徵分口有外江赴儀銷售  
及儀邑貨物出沙漫洲者每歲本屬無幾今分  
口既移駐新城此項貨物不由新城經過應請  
免其徵稅在由閘關稅總計所損無多而儀邑  
小民不無裨益等情詳請具

奏前來臣等查由閘分設之儀徵稅皆舊駐瀘潮

閘地方上年具

奏興挑該處河身並將卧虎閘支河開挖深通從此貨船爭趨便捷必啟匿稅獎端實為由閘透漏之所若添設員役巡查既增經費更恐日久獎生或押商赴閘報稅往返守候難順輿情惟有仰懇

聖恩俯准將由閘分設之儀徵口舊駐攔潮閘稅房移設新城鎮總匯之區遵照由閘現行則例就

近徵稅如此一轉移間於稅課商民兩有裨益  
至書巡入役經費等項以及親填冊檔該口悉  
有舊章毋庸另議其儀邑銷售貨物為數無多  
應予免稅除將送到圖幅咨部查核外是否可  
行理合繕摺具

奏伏乞

皇上聖鑒奉

硃批戶部議奏

修理倉廩考棚疏

奏為動項修理倉廩考棚等項循例彙奏仰祈  
聖鑒事竊照各屬修理工程動用耗羨存公銀兩例  
應隨時具

奏今據蘇州布政使玉輅詳稱據新陽縣呈詳該  
縣常平倉廩於乾隆三十一年修竣以來越今  
五十餘載樑柱椽木均各朽腐屋瓦脫落牆垣  
牴裂應行修理飭據蘇州府委員勘明實係年

遠坍頽急須修整估需工料銀一千五百六十  
九兩七錢零又據崑山新陽二縣會詳該境試  
院一座為蘇州府太倉州屬士子考試之所緣  
考棚房屋二十間係乾隆五十九年修理年久  
坍損急須趕修飭據蘇州府委員勘明屬實維  
時因值試期該二縣先行墊項修整估需工料  
銀九百九十九兩二錢零由司核無浮冒請於  
司庫耗羨存公銀內分別動支給辦等情詳請

具

奏前來臣查新陽縣請修倉厫嵐山新陽二縣趕  
修試院考棚一係貯穀一係考試均屬要區且  
自前次動項興修後越今數十年之久早逾保  
固限期現據該藩司委員確勘俱係應修通共  
估需工料銀二千五百六十八兩九錢零核無  
浮冒應請循例於司庫存公耗羨銀內動支分  
給辦理除分案取造估冊分別

題咨外所有修理倉廩考棚工程動用銀欵緣由

理合循例彙

奏伏乞

皇上聖鑒訓示

江蘇各州廳縣衛被水旱疏

奏為查明江蘇省各州廳縣衛被水被旱成災分數及收成歉薄情形循例由驛具

奏恭懇

聖恩分別給賑蠲緩賞給口糧以紓民力仰祈

聖鑒事竊照江蘇省江寧淮安揚州徐州蘇州松江常州鎮江太倉海州通州海門等各府州廳屬或因本年夏秋大雨時行江河並漲低田蘆洲

俱被淹漫積水較深不及補種或先因雨澤稀少禾苗受傷迨秋後得雨節候已遲收成均屬歉薄當經飭令兩藩司委員分投確勘並由臣等體察情形先後會摺具

奏請將上元等二十七廳州縣乏食災民撫卹一月口糧撥銀散放並動碾常平倉穀及司庫借銀買米又淮商公捐鹽義倉穀輶輶轉運出糶以濟民食均經分別奏奉

恩旨遵行一面飭催該司等暨各府州督同印委各員認真速勘由司覆核詳辦去後今據江寧布政使張志緒詳稱先因臣孫玉庭赴浦防汎省會公務較多不克分身親往履勘詳委護理江巡道余需元淮揚道沈學廉常鎮道王賡言分赴災重之區覆加查勘其被水最重之上元江寧二縣成災田地該司就近親詣覆勘今據各委員會同各該州縣衛勘覆被水較重之上元

江寧句容溧水高淳江浦六合江都儀徵泰興  
共十縣並揚州衛坐落江都儀徵二縣屯田被  
淹寃重成災五六七八九分不等又銅山沛縣  
並徐州衛坐落銅山縣境屯田被旱情形亦重  
成災五分由司彙核確實並查明丹陽等三十  
五州廳縣衛被水被旱田地均係收成歉薄勘  
不成災照例分別給賑蠲緩請給白糧又據蘇  
州布政使王輅詳稱據各委員會同各州廳縣

衛勘復由司親往災重之區周厯查勘蘇州府屬之長洲元和吳縣吳江震澤常熟昭文崑山新陽太湖廳松江府屬之華亭奉賢婁縣金山南匯青浦撫民廳常州府屬之武進陽湖無錫金匱江陰宜興荆溪靖江鎮江府屬之丹陽金壇太倉州並所屬之鎮洋嘉定寶山崇明等三十二州廳縣並蘇州太倉鎮海金山等四衛坐落各州縣境內屯田被水成災七八九十分不

等又松江府屬之上海縣鎮江府屬之溧陽縣被水成災五分之漕田又丹徒縣被水成災五分之蘆洲地畝由司彙核確實並查明各該州廳縣衛被災較輕之區及丹徒縣稍高漕屯各田均屬收成歉薄勘不成災請按照成災分數照例分別給賑蠲緩各等情詳請核

奏前來臣等伏查上元江寧句容溧水高淳江浦六合江都儀徵泰興等縣並揚州衛坐落江都

儀徵二縣屯田共十一縣衛本年夏秋以來大雨時行江潮異漲漕田蘆洲俱被淹漫情形最重又震澤新陽二縣綠河湖泛溢地勢最低之區田河一片全境無收又吳江昭文崑山太倉州並所屬之鎮洋金山等六州縣積水較深濱臨河湖之處被淹田禾未能補種該處多種木綿交秋以後風雨交加棉花失收情形最重又長洲元和吳縣常熟太湖廳華亭奉賢婁縣金

山上海南滙青浦撫民廳武進陽湖無錫金匱江陰宜興荆溪靖江丹陽金壇溧陽嘉定崇明等二十六廳縣漕田蘆洲並丹徒縣蘆課田灘及蘇州太倉鎮海金山等四衛因夏秋大雨頻仍水勢泛漲低田蘆洲均被淹損木棉亦疊遭風雨無收情形次重以上共計五十州廳縣衛均係成災五六七八九等分不等又銅山沛縣並徐州衛坐落銅山縣屯苗秋禾被旱情形亦

一重成災五分又山陽阜寧清河高郵寶應豐縣等六州縣並淮安大河二衛先因夏間缺雨禾苗受傷交秋陰雨連綿濱臨河湖之低田被水淹損又桃源鹽城蕭縣碭山邳州宿遷睢寧海州並所屬贛榆等九州縣田禾先經受旱旋被蟲傷迨後得雨已遲秀而不實僅有薄收又安東泰州東臺甘泉興化通州並所屬之如皋及海門廳八州廳縣因沿海濱江雨多水漲低田

無從宣洩秋禾雜糧多被淹損又丹徒縣漕田及肯衛屯田雖經被水緣禾田坐落高區涸復尚早僅止收成歉薄以上二十六州廳縣衛均係勘不成災臣等詳加體訪所有成災之上元江寧句容溧水高淳江浦六合江都儀徵泰興長洲元和吳縣吳江震澤常熟昭文崑山新陽太湖廳華亭奉賢婁縣金山南匯青浦撫民廳武進陽湖無錫金匱江陰宜興荆溪靖江丹陽

金壇太倉州鎮洋嘉定寶山崇明等四十二廳  
州縣又蘇州太倉鎮海金山揚州等五衛坐落  
各州縣屯田共計四十七州廳縣衛均係勘明  
成災小民生計維艱相應恭報

皇上天恩俯准按照災分查明極次貧民戶口分別  
給賑概以折色散放貧生兵屬饑軍一律查辦  
各該州廳縣衛成災田地及銅山沛縣徐州衛  
上海溧陽田地並丹徒縣洲地成災五分應徵

本年地丁漕糧各項銀米及壓徵蘆課銀兩按分蠲免蠲剩銀米分年帶徵其被災較輕薄有收成之區如山陽阜寧清河桃源安東鹽城高郵泰州東臺甘泉興化寶應豐縣蕭縣碭山邳州宿遷睢寧海州贛榆通州如皋海門廳丹徒等二十四州廳縣並淮安大河二衛勘不成災田地應徵本年地漕各項銀米並緩至來歲秋成分作二年帶徵又成災及勘不成災項不應

徵甲申年新賦亦請緩至該年秋成後啟徵以上各州廳縣衛應徵嘉慶元年三四五並道光元二等年災緩地漕本折及各款正耗漕價並米麥豆石河工借

帑攤徵等銀應請照例概予遞緩又海州改種蘆葦並一水一麥減則田地均請照案一律緩徵又揚徐等屬例不報災之減則田地亦經被淹並懇

聖恩准循厯屆災案一體緩帶又銅山沛縣豐縣並  
徐州衛坐落銅山豐縣屯田上年被水余秋又  
復被旱成災五分及勘不成災不等該四縣衛  
連年災歉頻仍民情拮据誠恐隆冬沴寒之際  
貧民口食無資情殊可憫合無籲懇

聖主恩施格外准於隆冬時查明前項乏食軍民  
賞給一月口糧俾資接濟所需賑濟口糧銀兩臣等  
業已另摺分別

奏明撥用趕緊查放其餘成災及勘不成災各州  
廳縣衛無力貧民軍丁應否接濟俟來春察看  
情形辦理鹽場窪地被災歉收應聽該鹽政查  
辦再查阜寧清河桃源宿遷海州沐陽贛榆等  
七州縣向例民折官辦漕糧今除沐陽一縣全  
境成熟其餘阜寧等六州縣均報有災歉應請  
查照嘉慶十五年秋災情形案內

奏准章程將災田米麥緩俟成熟之年再行採辦

熟田應辦道光三年分米麥仍行分別辦運其  
節年災緩漕增等米應請免其帶辦緩至明秋  
分年採買除飭兩藩司查明應蠲應緩確數造  
冊咨部並將各屬災歉情形及支用各款另行  
分別

題奏外所有臣等查明分別核辦緣由謹合詞恭  
摺循例由驛具

奏伏乞

皇上聖鑒訓示

動撥賑濟銀兩附片

再查江蘇各府州屬需用賑濟口糧銀兩除蘇州藩司所屬業經具

奏動撥外茲據江寧藩司張志緒詳稱現需賑濟約計銀三十六七萬兩應行預為籌備惟江寧所屬各州縣連年災歉頻仍錢糧分別蠲緩徵收熟田銀兩為數無幾僅敷支應本省兵餉及額撥河工並各項經費此外無項可以撥應移

查龍江關庫堪撥銀五萬兩淮宿關庫堪撥銀五萬兩揚州關庫堪撥銀九萬兩蕪湖關庫堪撥銀十三萬兩鳳陽關庫堪撥銀五萬兩共銀三十七萬兩均擬儘數協撥詳請具

奏前來臣等覆查屬實相應仰懇

聖恩俯准分別動撥迅速解交江寧藩庫備用以資民食如有餘剩查明報撥設有不敷即於江寧藩庫酌量找撥又上元縣前因低田被淹奏請

恩旨撥銀撫卹現據該縣陳道坦會同委員核實查  
放用銀一千餘兩為數無多該縣情愿捐廉撫  
卹請免報銷所領銀兩解還司庫另於撫卹案  
內劃除核實報銷理合附片陳明謹

奏

請將漲灘開禁歸營買陞疏

奏為封禁官蕩滬性化淡酌請歸營買陞以資巡  
費並審明互爭控案分別斷結恭摺奏祈

聖鑒事竊查海門廳境有崇劃管轄之鷺頭小陰小  
糖鱸魚餛頭等五沙北身漲灘名為戲臺沙係  
無主官蕩乾隆五十五年有民人楊心田在廳  
投買維時止有三十餘頃因係斥滬不毛詳請  
註銷旋於五十八年陳伸京控周肇堂等冒陞

沙地案內牽涉楊心田買案經前督臣以地近  
場竈忽有私煎之獎奏明禁墾嗣准部咨嘉慶

二十五年十月欽奉

上諭各省官荒地畝着督撫等嚴飭所屬認真查勘已  
墾者陞科未墾者招佃應變價者估變勒限清理報  
部等因欽遵通行查辦隨據署海門廳督叅查得五  
沙接漲禁灘滷氣消退化瘠成腴堪可開墾詳  
請飭委江寧府北捕通判蘿心源會勘該蕩土

性化淡屬實續漲之灘又甚寬廣詳請開禁召  
變陞科郎有該廳監生張商廷等赴前撫臣衙  
門具呈投買批司查案委勘共丈見地五百二  
十五頃七十五畝零張商廷投買南段地一百  
五十頃九十畝陳西園投買地五頃三十三畝  
零照廳境楊鹿城買案估價每畝應繳庫平紋  
銀一錢二分六釐其未買地畝另行出示召變  
繪具圖結詳司並由道覆勘加轉卽據張商廷

呈繳價銀一千九百一兩三錢四分陳西園繳  
價銀六十七兩三錢七分三釐收公司庫詳咨  
旋准部覆以該沙係從前奏明禁墾之案未便  
據咨率准宜出米已久既稱化瘠賊腴亦不應  
照新派白塗價值召變等因咨駁行司覆核勘  
議致未定案隨據蘇松鎮總兵官雲矢彪以鎮  
標中左右奇四營額設米師兵三千餘名  
每年四季輪巡內外洋面需用盤費由衆兵在

於應領餉項內派貼歲需五千餘兩甚形竭蹙  
溯查嘉慶十二年川沙器輪示營建設砲臺添  
兵防守前督臣鐵保將寶山新漲灘塗撥給防  
兵收息咨部准行嘉慶二十五年狼山鎮查有  
孫福田歸公沙地亦經臣孫玉庭奏邀

恩准賞給作為牧廠今查得小陰等五沙北身接漲  
既請開禁應懸歸營買陞三百頃由該鎮至將  
備一律捐廉勻作六年扣繳俾得召佃收租以

充巡費庶衆兵獲免派貼藉尙稍裕生計等情  
臣等查開禁官蕩歸營買陞亦屬以公濟公卽  
一並飭司委勘議詳此禁沙續漲詳咨召墾未  
定復據蘇鎮呈請歸營之原委也又通州竈籍  
監生袁建堂覲覲北沙先後赴京呈控均咨交  
巡撫衙門審辦統歸江藩司並案辦理兩委道  
員先後勘覆臣等批飭藩司張志緒親提核訊  
詳解臣孫玉庭就近提集原被按其控情逐加

研鞠如所控呂四場竈地原坍復漲被陳泰陳鵬父子拉糧跨佔一節緣海門廳原係崇明通州兩處劃分沙灘之地建設通州竈地定例坍不豁糧呂四場額蕩陸續坍削地一千八十餘頃畱糧待補袁建堂與苗存令故之盧成鵬均係竈灘案頭因見廳境天南天補小安等沙接漲新灘民人楊章等紛紛補陞入額陳泰亦有缺地空糧請補未足身故其子生員陳鵬續請

補足遂指為竈額原坍復漲出名控爭節次委員會同州廳及分司場員勘明以南北發丁東西甲庚定向分界將天南小安兩沙北身接漲之灘劃分三百五十四頃給呂四場衆竈補坍以紅線分疆卽於分疆之處開窪界河天南沙以北之東洪與小安沙之西洪合界中分將來續有餘漲紅線以北畫歸竈戶補坍其南其西統歸海門民戶補陞又補給竈坍之小安沙以

北新漲亦南儘廳民北歸州竈彼此不得爭執  
取具兩造遵結於嘉慶十年暨十七年兩次通  
詳定案陳鵬所補地畝與竈地隔有流洪且界  
河中間尚隔楊章補地並無跨越提同原被質  
訊據袁建堂供明前此爭補竈地盤費無出卽  
將補坍地面盡行批賣花用陳鵬先曾用價一  
百六十千文向伊批地十萬步伊無地交官被  
其赴州控追又見其前補之地近接竈界雖隔

流洪日漸淤漲陳鵬圍圩損壞恐其北移侵越  
是以指為跨佔今將地價交還不敢再控等語  
是此節已據自認妄告不諱又如所控張商廷  
等賄匿補坍案據認買禁沙一節審據袁建堂  
供因禁沙官蕩與竈地毘連伊等竈坍除前此  
補給三百五十四頃尚缺地七百三十二頃四  
十畝三分仍在賠糧今被張商廷等繳價投買  
不得補坍是以牽入陳鵬案內砌控等供隨查

得道勘海境五沙北身漲灘共丈見實地八百  
三十六頃零較前多出三百十餘頃張商廷投  
買及蘇鎮請買之地卽在此數內又向東隔洪  
另有新沙一片因水發未能施丈約估亦有三  
百餘頃共可得地一千一百三十餘頃並查道  
勘呂四場額前約有新漲三百餘頃又有業民  
界長卷案北界外接漲新沙百餘頃質訊張商  
廷等供明伊等五十九戶湊價投買沙灘在於

南段廳界內並未賄匪竊坍案據牒買竊地現據該司以張商廷等不候

奏明開禁遞請繳價涉訟應不准其承買卽將原價發還具領該沙原係崇通劃分歸廳流洪接漲議請撥歸蘇鎮買陞三百頃其駐通之狼山鎮前雖奏撥孫福由歸公沙地但為數不多亦應再於現勘沙蕩內劃分等百頃歸狼山鎮買陞其餘新沙聽候委員照依嘉慶十年十七年

定向原叅文明劃清州廳界限廳境歸民買陞  
州境先儘竈戶補坍再有盈餘亦歸州境民人  
買陞以杜訟隙至張商廷等雖不准承買但已  
費圍圩工本亦未便令其一旦失業應將撥歸  
兩鎮捐買之沙仍准伊等照原買頃畝佃種輸  
租如有抗欠廳營另召袁建堂與張商廷等均  
各輸服具結遵斷臣孫玉庭覆訊兩造皆無異  
詞又如所控張商廷構串彭步朝等在州誣伊

隱匿新沙一節審據兩造供明袁建堂與已故之盧成鵬等出名控補竈坍至嘉慶十年始將海門廳境天南小安兩沙北身張灘劃分三百五十四頃歸補因控爭多年往返盤川飯食無出經盧成鵬將地面批賣州民江瀛州等抵費地底散給坍戶收租據通分司詳明有案比盧成鵬物故經呂四場員諭令袁建堂接辦案頭議令各批戶每年納租錢四百二十千文給三

十總老竈散給衆坍乃袁建堂每年私用租錢  
二百千文致坍戶彭步朝等無錢領分是以向  
袁建堂索地控追已據該道王賡言斷令袁建  
堂繳出租錢分給彭步朝等領用並令江瀛洲  
等各照現業加租歸衆竈分收亦各輸服具結  
以上袁建堂兩次京控情節俱逐一審明臣等  
查海門廳境小陰等五沙北身漲灘在乾隆年  
間止有三十餘頃本係斥滷恐啟私煎

奏明封禁原與竈地無涉迨後接續淤漲近年涵  
退化淡因係禁沙亦無人爭墾今因奉

旨開闢官荒始據張商廷等投買而袁建堂藉竈地  
尚有缺額復覲覲控爭雖竈坍賠糧例應免補  
但牽控陳鵬跨佔及張商廷賄匿補案均未得  
實應革去監生照申訴不實律杖一百年逾七  
十照律收贖飭場追照送銷並不許充案頭所  
有禁沙既已滷退化淡應請

旨准予開禁召買現查蘇狼兩鎮巡洋需資蘇鎮向由官兵月餉派貼狼鎮雖經撥有孫福田歸公沙地採樵亦屬不敷據藩司議請蘇鎮撥買三百頃狼鎮酌予撥買一百頃按則陞賦召佃輸租以充巡緝經費兵丁既免賠貼而於課額並無減少洵屬以公濟公該蕩雖出水年久但因鹹滻封禁近始化淡尚屬白塗必待人力培墾始能成腴該廳以甫請開禁之沙卽稱化瘠成

朕係屬錯悞兩經道勘每畝授業估價一錢三  
分六釐尚無短少計蘇鎮撥買三百頃應繳地  
價銀三千七百八十兩狼山鎮撥買一百頃應  
繳銀一千二百六十兩合無仰懇

聖恩俯准所請蘇鎮分作六年狼鎮分作兩年在於  
鎮將都守養廉內兩藩司坐扣報撥如蒙  
俞允飭令兩鎮各委營員會同州廳勘分界址歸營  
管業招租至張商廷等不候奏明開禁已議不

准承買應將前繳價銀發廳傳同各戶當堂給還惟伊等繳價在前業已費本園圩遽令失業亦屬可憫既愿向營承佃應准其照各戶原買頃畝由廳給發佃照領種輸租卽援照該廳學成案每千步完七折銀一兩二錢每年於十月內就近繳廳移營差弁領回收貯專充巡洋公費如有拖欠卽押繳照退地除張商廷與陳西園承佃之外其餘地畝各廳該營自行召佃仍

於冬令水涸將撥歸營額內首領之外所餘漲  
灘及隔洪新漲飭委大員會督廳州分司場員  
文明頃畝確數照依原立定向劃分通海境界  
在廳境者歸廳民買陞在州境者先儘竈戶補  
坍其該竈額前新漲及卑姓陞案接漲灘塗亦  
卽一並清丈儘補竈額如有多餘再歸州民買  
陞袁建堂所得陳鵬批價業已交還其私收彭  
步朝等租錢照追給主陳鵬張商廷訊無跨佔

謀買情事袁耀宗作抱京控係聽從祖命均予  
免議彭步朝等因袁建堂欠租無交控其隱匿  
新淤事非誣捏亦毋庸議所有漲灘開禁撥營  
買陞濟公及審擬控案緣由理合恭摺具

奏伏乞

皇上聖鑒勅部議覆施行奉  
硃批該部議奏

訪拏劣衿惑衆斂錢疏

奏為訪拏劣衿創刊鄉規惑衆斂錢首從要犯提  
省審辦恭摺奏

聞事竊查句容縣衿民素稱刁訟臣等諱飭該縣除  
莠安良以清勤愛民為化導之本本年九月內  
臣孫玉庭風聞該縣有劣衿創立鄉規刊刻成  
書播弄鄉愚散布斂錢之事當密札藩司張志  
緒督府派委妥員前往查拏辦理旋據該縣陳

玉成稟報訪有文生丁先庚卽下星垣夏以松  
卽夏惟一假托地方公事刊刻規條惑衆斂錢  
又有文生笪瑞庭卽笪金聲民人戴錦山均係  
聽從驅使勒派費錢之父並值差拏閭卽風聞  
丁先庚夏以松等糾同夥黨進城會茶並先淮  
儒學訪知移會查拏當督典史帶領差役密赴  
歇窩拏獲丁先庚等十二名訊據丁先庚夏以  
松供認夏間商量假托錢漕公事創立規條刊

書四本誘惑鄉愚建設

皇亭

龍牌在小華山該犯丁先庚家設局聚會創議斂費  
計圖分肥囊橐兼可挾制官長所刊鄉規據供  
已刷印五百部分派各鄉每部收錢五百文並  
按照通鄉應完平米每石派錢三十文通縣而  
計約共一千八百餘千係令笪瑞庭戴錦山等  
分投派收已收錢五百餘千花用因被王德昭

另建

皇亭設局硬將伊等所刊之書派散得錢入已是  
邀集各鄉民進城會茶評理尚未到齊當被拏  
獲等語所有同獲之笪瑞庭戴錦山夏義友王  
玉山王恒興鄭王世理倪繼立各供認聽從打  
先庚等在局幫辦屬實其殷文起陳學書魏陞  
元巫萬年供被丁先庚等邀約進城未經聽從  
勒派惟查巫萬年亦係著名訟棍請將丁先庚

等衣頂斥革一並提省審辦等情並據藩司暨  
該府余需元各具稟飭提解省嚴究委員在於  
刻字店搜起原刊板片解叅臣等查丁先庚假  
以公事出頭刊書雖查無違悖字句而散布派  
費約會斂錢陽以挾制官府陰以私圖厚利魚  
肉鄉民實為地方衿棍之尤必應按例懲辦以  
戢囂風至供出王德昭另建

碑亭設局將書籍派散得錢入己與丁先庚厥罪惟

均該犯先曾犯案擬徒援免仍不悛改亦必應  
查拏解省歸案審究至刊本所載十六鄉董事  
共有六十四人其中固不少助勢斂錢之徒亦  
有被脅從或係捏名刊載者若概行逮問則  
紛紛查拏不免擾累自應分別情罪解散脅從  
卽飭司頒發告示曉諭眾民各安生業勿聽謠  
惑出錢自蹈法網如有被脅從或係貪先庚  
等盜名刊刻卽自行赴縣首明將書繳銷准予

摘釋卽實係聽從聯謀斂錢之犯果能及早悔悟自行投首亦准量從減免如此明晰宣示自可解惑悔過以安衆心而靖閭閻除飭藩司督同該府提齊各犯審明按擬解勘另行具

奏外所有訪挾劣衿創刊鄉規惑衆斂錢獲犯提審緣由謹先恭摺奏

聞伏乞

皇上聖鑒奉

殊批所辦俱是知道了

審明革監陳映台牒占沙地疏

奏為審明通州革監陳映台牒占沙地肇訟無休  
分別擬斷恭摺奏祈

聖鑒事竊前准刑部咨內閣抄出都察院奏江蘇通  
州監生黃道呈控伊兄黃河清京控陳映台報  
陞占田咨回蘇省查辦將生兄提禁兩日復行  
送進身死不明等情欽奉

上諭此案着交孫玉庭魏元煜親提人證卷宗秉公

審訊定擬具奏等因欽此當查此案陳黃兩姓互相京控屢結屢翻今黃道以黃河清在監身死指為謀命埋冤尤為案內重情當日因何提監復禁身死必須提集人卷及指控刑禁書差確核審究隨調集臬司衙門及蘇州府縣委審各卷宗飭發江藩司卽派加道銜江寧府知府余需元江浦縣知縣王覲悉心查核嗣據查明陳映台以衆戶老沙淤溢朦改新沙陞賦兼並致

滋訟紛而黃河清於置買諸沙之地久經爭控  
斷給復特符捕訟擅具奏摺經蘇省委員審明  
按例擬軍收寄吳縣監內先於道光元年十二  
月在監患病報明醫痊次年閏三月續病據代  
理縣李景峯以該犯擬軍援免應否提禁請示  
經臬司批提外監醫調接任吳縣李宗穎因黃  
河清病重於二十五日飭差張濤劉仁提禁暫  
交署前歇店金坤醫治有黃河清之族姪黃步

蟾煎藥服侍二十八日蘇州府以軍犯例應在監調治飭差還禁詣黃河清旋於四月初一日病故委經長洲縣李景峯驗訊實係病死刑禁並無凌虐時值黃步蟾回籍有同控之李榮春目擊情愿具結棺殮是黃河清之提禁還禁死由因病不惟案卷鑿鑿且有在場確證則黃道之控告謀命埋冤係架詞聾聽無疑惟陳映台以老沙提報新沙必串同經書沙總而後可行

其獎節經催提陳映台及應訊沙總人等茲據  
解省由藩司張志緒督洞該府余霈元江浦縣  
知縣王覩等查驗陳映台久患骨槽瘋不能言  
語就在案原被審擬詳解前來追孫玉庭就近  
親提研鞠緣黃道籍隸通州該州有薛家沙漕  
田每畝徵銀二分三釐五毫米三升二合八錢  
乾隆六年坍沒地五千八百八十餘畝糧石施  
佩辛等以漕田坍糧額重請照蘆地起科化地

二萬五千餘畝遇漲墳補以免賠累時有川港  
西新漲灘九十八頃合九千八百畝儘數撥補  
餘俟續漲找撥於乾隆十二年由州詳准給業  
嗣有另案坍戶因施狐辛化敵補糧多占沙地  
控州改議儘此原撥九十八頃丈給以後雖有  
續添不得找補迨後原補九十八頃內復坍沒  
地四千三百八十一畝零又薛家沙老額內亦  
坍沒地一千七百七十三畝零共坍地六千一

百五十三畝五分六釐經陳映台已故曾祖案  
頭陳金南報州詳准撥補小淺沙西身漲灘管  
業此後九十八頃內坍存地畝謂之施業陳金  
南報坍續補地畝謂之陳案嗣經該州勘明施  
案沙地盡成高阜陳金南補地亦圍墾及半且  
有港洪淤滿應各照原額漕糧按畝折計餘地及  
餘出地畝照腹蘆科則報陞施案折計餘地及  
港洪接漲詳歸坍戶陸秀芳等報陞腹蘆於乾

隆四十一年詳咨准陞入額其陳案丈出溢地及港洪淤滿共地二千九百六十九畝亦照腹蘆科則陞課請給原戶陳金南之子陳鼎璜陞永祥等領陞辦賦屢經前撫臣批駁撥補坍糧或聽無業貧民領陞不准陳鼎璜陞科兼並旋於乾隆五十五年該州呂燕昭議請以陞易買將陳案應陞餘地同港洪淤灘分別估價聲明該地並非陳鼎璜一人獨業實係各戶之中疎

零散寄不若卽令原業之戶繳價承買詳經前  
督撫臣批准據陳鼎璜繳價六百二十五兩批  
解藩庫兌收至五十八年前撫臣竒豐額清理  
沙案因尚未咨准入額駁令發還價銀節飭召  
變充公陳鼎璜因屢駁案懸不准領陞遂商同  
已故沙總浦麟德繪造假圖將化畝溢地捏作  
港洪新漲出水丈積地二千九百六十九畝課  
係子母相生請照蘆糧科則按畝陞課稟州詳

道駁查未定至嘉慶二年陳鼎璜與子陳翼鵬  
相繼物故伊孫陳映台接辦案頭卽襲陳鼎璜  
捏造新漲偽圖復央沙總浦麟德及已故沙務  
經書劉必昌呈經該州咨燕昭詳由司道於嘉  
慶四年轉請咨准部覆入額陞科行州出示曉  
諭令陳映台照糧管地卽據該沙各糧戶宋鳴  
才等數十人不甘以各業老糧為陳映台兼並  
先後分赴司道督撫具控委員吊取糧戶執業

契據核驗各有餘溢地畝未經報陞原屬地多  
糧少維時未將陳映台以舊作新將零捏整情  
由詳明更正因其既報陞科斷令將宋鳴才等  
一百數十餘戶地內劃出餘地給陳映台一人  
辦賦管業並因各戶管業有年費有工本斷令  
陳映台每千步出銀三兩補償詳准飭遵完案  
嘉慶十六年輪屆大丈陳映台捏報陞科之地  
已據原業各戶有力者每畝出價六兩向伊承

買無力者立票向伊承租共計過割地二千二百三十二畝零其餘七百六十餘畝各戶不甘吐退陳映台隨先將過糧地畝圍築成圩請轉下則田陞科因轉則須造坵段四至繪圖呈送隨用銀十兩錢八千賄囑沙總陳茂芳復照假圖及前捏四址繪造送州經前署州錢有序詳咨奉部覆准十七年黃漢皋改名黃河清赴京報捐監生因買有陳映台報陞地內原業朱榮

如沙地五千步奉飭吐退餘地遂以陳映台牒  
陞欺占等情控經都察院咨回發司委審訊得  
黃河清承買朱燦如業地五千步在朱燦如原  
有應吐溢地據朱燦如之子朱添貴情願按估  
繳錢給陳映台抵作地價將其地全歸黃河清  
管業黃河清所控欺占未實擬杖納贖詳咨完  
結十九年黃河清族兄黃海等又因陳映台報  
陞地畝卽係乾隆二十三五年衆姓撥補九

十八頃內折歸老糧餘地父祖相傳管業已久  
總不甘為陳映台兼並聯名赴都察院呈控陳  
映台得信疑是黃河清唆衆圖翻亦卽遣弟陳  
序赴步軍統領呈控先後咨回本省審辦委員  
訊出陳映台改圖陞占大概情形將陳映台革  
去監生擬以滿杖黃河清前次京控失實亦擬  
杖革發落議將各戶應註溢地作為各戶田面  
毋許陳映台並收面租其田底仍歸陳映台收

租辦賦由司轉詳咨部二十三年黃河清因問  
擬杖革又遣堂姪黃莎贊卽黃素文及李榮春  
赴都察院申訴咨回仍照原察訊結黃河清始  
終不服復繕具奏摺於二十五年控經步軍統  
領咨回前撫臣審辦因陳映台染患骨槽瘋不  
能言語無從指丈委據蘇州府知府額謄伊審  
得黃河清節次赴京挺身混訟擅具奏摺添砌  
受賄激變重情聳聽實屬玩法請照勦越赴京

告重事不實發邊遠充軍例加等改發極邊足  
四千里充軍援

赦免罪詳司轉請核咨適李榮春黃步蟾又以前情  
赴步軍統領呈控於二年正月咨回蘇省歸於  
黃河清案內訊辦嗣黃河清先因病重提禁旋  
經府駁仍收還外監隨卽病故屍母黃薛氏懷  
疑悲痛卽令堂姪黃道以身死不明赴京控訴  
奏明解臣審辦此陳映台以老沙溢地報作新沙

致滋訟紛及黃河清在監病故屍母妄疑遣告之原委也茲核案詳鞫陳映台病難取供據伊弟陳序將陳映台串囑書役牒混陞科轉則藉圖占地始末各實情厯厯供認不諱並究出沙總陳茂芳得受陳映台賄囑扶同獎混覆詰不移案無遁飾查陳映台抹煞舊案串通已故沙頭浦麟德經承劉必昌將衆姓祖遺化敵舊地控為新漲泥灘牒報陞科繼復賄囑沙總陳茂

芳扶同轉則藉圓坐人兼並以致京控七次之  
多訐訟二十五年之久實與強占無異前擬滿  
杖不足蔽辜已革監生陳映台合依強占官民  
山場湖泊滿流律擬杖一百流三千里陳序聽  
從伊兄赴京作抱捏情妄控今雖到案供明亦  
有不合應照不應重律杖八十陳茂芳身充沙  
總贍敢得受陳映台銀斗兩錢及文扶同造  
冊牒請轉則殊屬不法答依衙門臺役索詐計

賊在十兩以上者發近邊充軍例擬發近邊充  
軍各事犯均在嘉慶二十五年八月二十七日  
大赦以前陳映台陳序陳茂芳所得軍流杖罪均予  
援免陳茂芳並免刺字仍革役追贓入官其先  
經通同舞弊之沙總浦德麟經承劉必昌業已  
物故均毋庸議嚴訊吳縣經書張明縣役張濤  
劉仁實無做供舞弊情事亦毋庸議此案化敵  
消溢地二千九百六十九畝先據通州呂蓀昭

聲稱係各戶承糧並非陳鼎璜一人獨業卽不應歸陳映台一案陞科及至奉部覆准旋經各糧戶紛紛控訟雖經委員訊出弊端並未將物斷歸各原戶劃糧執業以致黃河清李榮春等不服疊次赴京翻控不休今既澈底訊明自應飭州查明乾隆三十八年勘丈圖冊追溯各戶原執畝數其現執舊業者仍令按糧劃出餘地陞增辦賦其已向陳映台承買承租或轉售別

戶者卽斷給別戶執業查明陳映台得遇地價  
追給原戶具領所有此頃溢地本係撥補漕田  
原坍復漲之地現已成腴雖陳映台曾照下則  
田陞增但旣與老額田畝同在薛家沙漕田堆  
內應請將前轉下則田賦註除卽照該沙漕糧  
原額每畝徵銀二分三釐五毫米三升二合八  
勺按數陞增飭州將加陞銀米徵底查明劃歸  
各戶過割承糧以杜後訟各賣契租約吊驗核

銷其嘉慶二年十六年兩次咨部偽圖應請註  
銷另飭赴沙覆勘繪具老額溢地畝圖冊咨部  
備核黃河清控爭糧業早經斷給並無屈抑乃  
擅具奏摺添砌重情擬以遣戍罪所應得其在  
監病故業經核案審確並無別情刑禁人等亦  
訊無凌虐均毋庸議李榮春黃步蟾及此次原  
告黃道控詞均未盡實然俱出有因黃道又係  
聽從屍母遣告應請概免置議前任通州知州

呂燕昭原以老糧溢地及港洪淤滿並非一人  
之業請歸各原業買陞本無不合乃因前撫臣  
駁飭並不再行切實頂詳輒據陳映台改老作  
新詳咨入額實屬牽混前署通州另案革職知  
府錢有序失察沙總詐贓十兩以上及厯次承  
審委員擬斷未當均有應得處分事在嘉慶二  
十五年八月二十七日

恩詔以前邀免議處謹合詞恭摺具

奏伏乞

皇上聖鑒勅部議覆施行奉

硃批刑部議奏

拏獲洋盜疏

奏為拏獲洋盜審明定擬奏請

聖鑒事竊照洋盜張扣二糾夥在洋販私鹽劫殺害  
多命一案先經臣等審擬具

奏於清單內聲明俞添德顧二周壽繆五邱四徐  
長淋劉季祥趙扣寶公犯訊係逸盜衛四麻子  
行劫崇明半海沙客船案內夥盜尚須確審等  
因在案茲據臬司林則徐督同蘇州府知府額

騰伊總捕同知吳廷揚元和縣知縣王有榮審  
明定擬解勘前來臣韓文綺親提各犯悉心研  
鞠緣俞添德籍隸江陰縣顧二籍隸常熟周壽  
邱四徐長淋籍隸通州繆五籍隸東臺均未為  
匪犯案與逸犯衛四麻子素識道光二年七月  
間衛四麻子與現獲之俞添德顧二周壽鄭四  
徐長淋繆五暨監斃之劉孽祥會遇糾合販私  
俞添德等應允同至衛四麻子船上衛四麻子

又糾邀另案擬結正法之陸萬受在逃之周二  
麻子姜長王二李老品李德佩夏寶餘潘海上  
船合夥是月二十六日二更時一共十六人同  
坐衛四麻子船隻行至崇明縣半海沙外洋見  
有不識姓名遭風斷桅客船飄至衛四麻子起  
意行劫各犯允從將船駛攏繆五潘海用篙搭  
船周壽李老品在本船帶纜王二李德佩在本  
船看蓬徐長淋劉季祥夏寶餘邱四陸萬受姜

長在本船接賊衛四麻子周二麻子俞忝德顧  
二同遇客船劫得布疋衣物遞交夏寶餘等接  
收回船開行將賊俵分至八月初二日行抵通  
州北港地方遇見周忝喜販私船隻衛四麻子  
將賊布二十二疋向周忝喜換鹽一寸勦運至  
沿江一帶賣去上岸各散旋據通州崇明常熟  
江陰等縣會營獲犯俞忝德劉季祥邱四凋壽  
徐長淋繆五並將前曾在衛四麻子船上充過

水手旋卽辭歇未經隨同為匪之趙扒寶一並獲住並據顧二赴福山營周添喜赴靖江縣洛自投首先後解省委審據各供悉前情不諱詰無另犯窩夥竊劫矢口不移案無遁飾此案俞忝德等聽從逸犯衛四麻子在崇明縣半海沙外洋行劫不知姓名客船布物雖查無事主報案但俞忝德等各犯係先後掣獲隔別研鞫異口同聲供詞確鑿且於陸萬受劉季祥名下獲

有布疋供係行劫是案原賊正盜無疑查例載江洋行劫大盜立斬梟示又洋盜案內接賊瞭望僅止一次者照例發新疆給官兵為奴又夥盜曾經傷人及行劫二次以上聞拏投首實發雲貴兩廣極邊烟瘴充軍各等語此案訊係逸盜衛四麻子起意行劫糾同俞添德顧二並在逃之周二麻子遇船搜贓劉季祥周壽邱西徐長淋繆五與在逃之王三李老品李德佩夏寶

餘潘海姜長及另案先獲擬結正法之陸萬受  
在本船接贓瞭望自應按例分別定擬俞添德  
應照江洋行劫大盜立斬梟示例擬斬立決梟  
示照例先行刺字周壽邱四徐長淋繆五劉季  
祥陸萬受訊止在本船接贓瞭望一次均應照  
洋盜案內接贓瞭望僅止一次發遣為奴例發  
新疆給官兵為奴劉季祥業經在監病故陸萬  
受先於張扣二案內正法俱毋庸議顧二雖聽

從過船搜賊但一聞查拏卽行投首尚知畏法  
應請照夥盜行劫三次以上聞拏投首擬軍例  
實發雲貴兩廣極邊烟瘴充軍均照例刺字周  
忝喜混受衛四麻子賊布換給鹽觔殊屬不合  
惟該犯尚有糾夥販賣私鹽之案罪名較重應  
歸彼案從重問擬另行咨結趙扣寶訊止在衛  
四麻子船上幫駕數日旋卽辭上土岸並無販  
私為匪情事惟明知匪船率行受雇究屬不合

應照不應重律杖八十遞籍折責交保管束各犯訊無同居親屬知情分贓牌保得規包庇情事劉季祥在監病故刑禁人等訊無凌虐情弊均毋庸議現起贓布查傳事主認領未起追賠徐長淋有父徐勝朝顧二有兄顧大不能禁約子弟為盜飭令該犯等原籍提案照例責懲逸犯衛四麻子等飭緝獲日另結除備錄全案供招咨部外所有審明定擬緣由臣等謹合詞具

奏伏乞

皇上聖鑒訓示再張扣二案原奏清單內尚有周忝  
喜陳元侯吳言郎孫滿麻子李宏徐南春陸和  
尚七名現據臬司等審係興販私鹽照例定擬  
具詳經臣等核明咨部完結合並陳明謹

奏奉

硃批刑部速議具奏